

御製佛頂尊勝總持經呪序

莫四

朕惟如來演大乘教開方便門千經萬法無非爲濟度群生使不論業報佛頂尊勝總持經呪者一切如來智印廣大慈悲甚深希有普利昏迷實巨海之津梁幽暗之日月飢渴之飲食也世間善男子善女人一切衆生能發菩提心持誦佩服者其福德種種無盡永脫諸惡苦趣從無始以來百千億劫所積罪業悉皆消除若晝夜勤修不懈當得諸佛灌頂神天擁護福壽無量如是勝果目覩其效

莫四

誠實不虛朕君臨天下閔斯民之執迷所作所爲墮於惡趣而不知若斯謬戾誠爲可矜遂以是經呪用俾河沙刹土一切有情均沾利益壽延福增同臻佛道又況佛有誓願廣濟衆生必先度忠孝凡忠臣孝子身生中國又逢治世受種種快樂皆由其事君事親能盡其道又能敬禮三寶修積善因舉足之頃即登覺路若夫爲惡之徒昧於改悟所作所爲日甚一日造業深重甘心墮落身如沐漆求潔實難墮幽局何由出世苟能回心向

善即此一路可超出劫塵也

永樂九年六月 日

佛頂尊勝陀羅尼經序

唐定覺寺沙門志靜述

佛頂尊勝陀羅尼經者婆羅門僧佛陀波利
儀鳳元年從西國來至此土到五臺山次遂
五體投地向山頂禮曰如來滅後衆聖潛靈

莫四

唯有大士文殊師利於此山中汲引蒼生教
諸菩薩波利所恨生逢八難不覩聖容遠涉
流沙故來敬謁伏乞大慈大悲普覆今見尊
儀言已悲泣雨淚向山頂禮禮已舉頭忽見
一老人從山中出來遂作婆羅門語謂僧曰

二經同卷

佛頂尊勝陀羅尼經

佛說佛頂尊勝陀羅尼經

法師情存慕道追訪聖蹤不憚劬勞遠尋遺
跡然漢地衆生多造罪業出家之輩亦多犯
戒律唯有佛頂尊勝陀羅尼經能滅除惡業
未知法師頗將此經來不僧曰貧道直來禮
謁不將經來老人曰既不將經空來何益縱
見文殊亦何必識師可却向西國取此經來
流傳漢土即是遍奉衆聖廣利羣生拯濟幽
明報諸佛恩也師取經來至此弟子當示師
文殊師利菩薩所在僧聞此語不勝喜躍遂
裁抑悲淚至心敬禮舉頭之頃忽不見老人

其僧驚愕倍更虔心繫念傾誠迴還西國取
佛頂尊勝陀羅尼經至永淳二年迴至西京
具以上事聞奏大帝大帝遂將其本入內請
日照三藏法師及勅司賓寺典客令杜行顥
等共譯此經勑施僧絍三十疋其經本禁在
莫四三
內不出其僧悲泣奏曰貧道捐軀委命遠取
經來情望普濟羣生救拔苦難不以財寶爲
念不以名利關懷請還經本流行庶望含靈
同益帝遂留翻得之經還僧梵本其僧得梵
本將向西明寺訪得解善梵語漢僧順貞奏

共翻譯帝隨其請僧遂對諸大德共順貞翻
譯訖僧將梵本向五臺山入山於今不出
今前後翻兩本並流行於世小小語有不同
者幸勿怪焉至垂拱三年定覺寺主僧志靜
因停在神都魏國東寺親見日照三藏法師

問其逗留一如上說志靜遂就三藏法師諮詢
受神呪法師於是口宣梵旨經二七日句句
委授具足梵音一無差失仍更取舊翻梵本
勘校所有脫錯悉皆改定其呪初注云最後
別翻者是也其呪句稍異於杜令所翻者其

新呪改定不錯并注其音訖後有學者幸詳
此焉至永昌元年八月於大敬愛寺見西明
寺上座澄法師問其逗留亦如前說其翻經
僧順貞見在西明寺此經救拔幽顯最不可
思議恐學者不知故具錄委曲以傳未悟

佛頂尊勝陀羅尼經

唐周罽賓沙門佛陀波利奉 詔譯

如是我聞一時薄伽梵在室羅筏住誓多林
給孤獨園與大苾芻衆千二百五十人俱又
與諸大菩薩僧萬二千人俱爾時三十三天

於善法堂會有一天子名曰善住與諸大天
遊於園觀又與大天受勝尊貴與諸天女前
後圍遶歡喜遊戲種種音樂共相娛樂受諸
快樂爾時善住天子即於夜分聞有聲言善
美四
住天子却後七日命將欲盡命終之後生贍
部洲受七返畜生身即受地獄苦從地獄出
希得人身生於貧賤處於母胎即無兩目爾
時善住天子聞此聲已即大驚怖身毛皆豎
愁憂不樂速疾往詣天帝釋所悲啼號哭惶
怖無計頂禮帝釋二足尊已白帝釋言聽我

所說我與諸天女共相圍遶受諸快樂聞有
聲言善住天子却後七日命將欲盡命終之
後生贍部洲七返受畜生身受七身已即墮
諸地獄從地獄出希得人身生貧賤家而無
兩目天帝云何今我得免斯苦爾時帝釋聞
善住天子語已甚大驚愕即自思惟此善住

天子受何七返惡道之身爾時帝釋須臾靜
住入定諦觀即見善住當受七返惡道之身
所謂豬狗野干獮猴蟒蛇鳥鷺等身食諸穢
惡不淨之物爾時帝釋觀見善住天子當墮

七返惡道之身極助苦惱痛割於心諦思無
計何所歸依唯有如來應正等覺令其善住
得免斯苦爾時帝釋即於此日初夜分時以
種種華鬘塗香末香以妙天衣莊嚴執持往
莫四 詣誓多林園於世尊所到已頂禮佛足右遶
五 七匝即於佛前廣大供養佛前胡跪而白佛
言世尊善住天子云何當受七返畜生惡道
之身具如上說爾時如來頂上放種種光遍
滿十方一切世界已其光還來遶佛三匝從
佛口入佛便微笑告帝釋言天帝有陀羅尼

名爲如來佛頂尊勝能淨一切惡道能淨除
一切生死苦惱又能淨除諸地獄閻羅王界
畜生之苦又破一切地獄能迴向善道天帝
此佛頂尊勝陀羅尼若有人聞一經於耳先
世所造一切地獄惡業皆悉消滅當得清淨
之身隨所生處憶持不忘從一佛刹至一佛
刹從一天界至一天界遍歷三十三天所生
之處憶持不忘天帝若人命欲將終須臾憶
念此陀羅尼還得增壽得身口意淨身無苦
痛隨其福利隨處安隱一切如來之所觀視

一切天神恒常侍衛爲人所敬惡障消滅一
切菩薩同心覆護天帝若人能須臾讀誦此
陀羅尼者此人所有一切地獄畜生閻羅王
界餓鬼之苦破壞消滅無有遺餘諸佛刹土
及諸天宮一切菩薩所住之門無有障礙隨
意遊入爾時帝釋白佛言世尊唯願如來爲
衆生說增益壽命之法爾時世尊知帝釋意
心之所念樂聞佛說是陀羅尼法即說呪曰

此況最
後別翻

那謨薄伽跋帝一啼隸路迦指耶鉢囉底毗

失瑟咤余何切同長聲下勃陀耶一云皈命聖尊
三世佛覺二
薄伽跋底三怛姪他四唵長聲毗輸駄音耶
娑摩三漫文音多皤婆婆六娑破囉擎揭底伽
訶那七娑婆皤輸林輪律切下同地阿鼻詫去聲者
蘇揭多伐折那八阿嚩嚩多毗曇鷄取扇切平聲九
阿上聲訶羅去聲阿莫切訶羅下同阿瑜散陀長羅尼
十輸聲入駄音太耶輸駄耶十伽伽那去聲毗
秫提十一烏瑟尼沙毗逝耶林提十婆訶婆羅
喝長聲嚩弭珥珊瑚地帝十五薩婆怛他揭多地瑟
那謨薄伽跋帝丁你慕音鉢隸音梨跋

折囉迦長耶僧訶多那林提十薩婆伐羅擎
毗林提八十鉢羅底丁你切你伐怛耶阿瑜林提
九薩末那阿地瑟心帝音低二十末楠末楠二十
恒闍多部多俱胝鉢唎林提二十毗音薩悉
普吒勃地林提三十社耶社耶余何切下毗
杜耶毗杜耶二十薩末羅薩末羅勃陀頰地
瑟心多林提二十跋折梨跋折羅揭鞭二十
跋折濫婆伐都二十麼麼受持者於薩婆薩
墮鳴迦長聲耶毗林提二十薩婆揭底丁你鉢
喇林提十三薩婆怛他揭多三摩濕婆娑過地

瑟心帝低字呼三十一勃陀切勃陀同蒲駛音太耶
蒲駛音太耶三漫多鉢利林提三十薩婆怛他

揭多地瑟咤長聲那頰地瑟心帝三十娑婆訶
佛告帝釋言此呪名淨除一切惡道佛頂尊
勝陀羅尼能除一切罪業等障能破一切穢

莫四

惡道苦天帝此陀羅尼八十八碗伽沙俱胝
百千諸佛同共宣說隨喜受持大如來智印
印之爲破一切衆生穢惡道苦故爲一切地
獄畜生閻羅王界衆生得解脫故臨急苦難
墮生死海中衆生得解脫故短命薄福無救

護衆生樂造雜染惡業衆生故說又此陀羅尼於贍部洲住持力故能令地獄惡道衆生種種流轉生死薄福衆生不信善惡業失正道衆生等得解脫義故佛告天帝我說此陀羅尼付囑於汝汝當授與善住天子復當受持讀誦思惟愛樂憶念供養於贍部洲一切衆生廣爲宣說此陀羅尼亦爲一切諸天子故說此陀羅尼印付囑於汝天帝汝當善持守護勿令忘失天帝若人須臾得聞此陀羅尼千劫已來積造惡業重障應受種種流轉

生死地獄餓鬼畜生閻羅王界阿脩羅身夜叉羅刹鬼神布單那羯吒布單那阿波娑摩羅蚊蟲龜狗蟒蛇一切諸鳥及諸猛獸一切蠢動含靈乃至蠍子之身更不重受即得轉生諸佛如來一生補處菩薩同會處生或得大姓婆羅門家生或得大利利種家生或得豪貴最勝家生天帝此人身得如上貴處生者皆由聞此陀羅尼故轉所生處皆得清淨天帝乃至得到菩提道場最勝之處皆由讚美此陀羅尼功德如是天帝此陀羅尼名吉

祥能淨一切惡道此佛頂尊勝陀羅尼猶如日藏摩尼之寶淨無瑕穢淨等虛空光焰照徹無不周遍若諸衆生持此陀羅尼亦復如是亦如閻浮檀金明淨柔軟令人喜見不爲穢惡之所染著天帝若有衆生持此陀羅尼亦復如是乘斯善淨得生善道天帝此陀羅尼所在之處若能書寫流通受持讀誦聽聞供養能如是者一切惡道皆得清淨一切地獄苦悉皆消滅佛告天帝若人能書寫此陀羅尼安高幢上或安高山或安樓上乃至安

莫四
置窣堵波中天帝若有苾芻苾芻尼優婆塞優婆夷族姓男族姓於幢等上或見或與相近其影映身或風吹陀羅尼山幢等上塵落在身上天帝彼諸衆生所有罪業應隨惡道地獄畜生閻羅王界餓鬼阿脩羅身惡道之苦皆悉不受亦不爲罪垢染汙天帝此等衆生爲一切諸佛之所授記皆得不退轉於阿耨多羅三藐三菩提天帝何況更以多諸供具華鬘塗香末香幢幡蓋等衣服瓔珞作諸莊嚴於四衢道造窣堵波安置陀羅尼合

掌恭敬旋遶行道歸依禮拜天帝彼人能如
是供養者名摩訶薩埵真是佛子持法棟梁
又是如來全身舍利窣堵波塔爾時閻摩羅
法王於時夜分來詣佛所到已以種種天衣
莫四
妙華塗香莊嚴供養佛已遶佛七百頂禮佛
足而作是言我聞如來演說讚持大力陀羅
尼者我常隨逐守護不令持者墮於地獄以
彼隨順如來言教而護念之爾時護世四天
大王遶佛三匝白佛言世尊唯願如來爲我
廣說持陀羅尼法爾時佛告四天王汝今諦

聽我當爲汝宣說受持此陀羅尼法亦爲短
命諸衆生說當先洗浴著新淨衣白月圓滿
十五日時持齋誦此陀羅尼滿其千遍今短
命衆生還得增壽永離病苦一切業障悉皆
消滅一切地獄諸苦亦得解脫諸飛鳥畜生
含靈之類聞此陀羅尼一經於耳盡此一身
更不復受佛言若人遇大惡病聞此陀羅尼
即得永離一切諸病亦得消滅應墮惡道亦
得除斷即得往生寂靜世界從此身已後更
不受胞胎之身所生之處蓮華化生一切生

處憶持不忘常識宿命佛言若人先造一切極重罪業遂即命終乘斯惡業應墮地獄或墮畜生閻羅王界或墮餓鬼乃至墮大阿鼻地獄或生水中或生禽獸異類之身取其亡者隨身分骨以土一把誦此陀羅尼二十一遍散亡者骨上即得生天佛言若人能日日誦此陀羅尼二十一遍應消一切世間廣大供養捨身往生極樂世界若常誦念得大涅槃復增壽命受勝快樂捨此身已即得往生種種微妙諸佛刹土常與諸佛俱會一處一

一切如來恒爲演說微妙之義一切世尊即授其記身光照曜一切佛刹土佛言若誦此陀羅尼法於其佛前先取淨土作壇隨其大小方四角作以種種草華散於壇上燒衆名香右膝著地胡跪心常念佛作慕陀羅尼印屈其頭指以大母指壓合掌當其心上誦此陀羅尼一百八遍訖於其壇中如雲王雨華能遍供養八十八俱胝殑伽沙那庾多百千諸佛彼佛世尊咸共讚言善哉希有真是佛子即得無障礙智三昧得大菩提心莊嚴三昧

莫四

持此陀羅尼法應如是佛言天帝我以此方便一切衆生應墮地獄道今得解脫一切惡道亦得清淨復令持者增益壽命天帝汝云將我陀羅尼授與善住天子滿其七日汝與善住俱來見我爾時天帝於世尊所受此陀羅尼法奉持還於本天授與善住天子爾時善住天子受此陀羅尼已滿六日六夜依法受持一切願滿應受一切惡道等苦即得解脫住菩提道增壽無量甚大歡喜高聲歎言希有如來希有妙法希有明驗甚爲難得今

我解脫爾時帝釋至第七日與善住天子將諸天衆嚴持華鬘塗香末香寶幢幡蓋天衣瓔珞微妙莊嚴往詣佛所設大供養以妙天衣及諸瓔珞供養世尊遶百千匝於佛前立踊躍歡喜坐而聽法爾時世尊舒金色臂摩_{第四}善住天子頂而爲說法受菩提記佛言此經名淨一切惡道佛頂尊勝陀羅尼汝當受持爾時大衆聞法歡喜信受奉行

佛頂尊勝陀羅尼經